

戶部則例



戶部則例

倉庾

一



京師十有三倉祿米倉五十七廩南新倉七十六
 廩舊太倉八十九廩富新倉六十四廩興平倉
 八十一廩均在朝陽門內海運倉百廩北新倉
 八十五廩在東直門內太平倉八十六廩在朝
 陽門外均建本裕倉三十廩在德勝門外清
 河康熙四十年建萬安倉九十三廩在朝陽門外雍正
 元年儲濟倉百有八廩裕豐倉六十三廩在東

便門外雍正六年豐益倉三十廩在德勝門外安

河橋雍正七年大通橋號房四十八間朝陽門號

房五十八間舊設大通橋號房六十四間朝陽門號

門增建十四間又移大通橋河東十六間於朝陽門

通州三倉西倉二百廩在新城內中倉百十有

九廩在舊城南門內南倉八十一廩在新城南

門內國初建通州石壩號房百有六間舊設六

支通濟庫銀增建五十間土壩號房二十五間

舊城南門號房十間新城南門外號房二十五

間○康熙五十四年覆準凡修造倉廩照一應

修建例三年以內如有坍塌滲漏木料損壞著

落原監造官賠修○雍正三年奏準通倉向有

席片鋪墊例無板木京倉以板木鋪墊十年一

換應將京倉木板展限至十六年一換所餘木

板鋪墊通倉○四年題準京倉舊例每廩用松

板五十塊楞木五根給鋸板工價銀八兩四錢

嗣後每廩滿鋪用松板百有十塊并將松板鋸

一為四以代楞木應用松板五十二塊鋸板工

價每廩準給銀十二兩九錢三分七釐○十二

年覆準建造京倉看倉旗員兵丁等房舖共四

十一處定限三年保固并令倉場侍郎隨時察
驗修補各倉置造木斛每張例給工料價值銀
七錢限三年一造○乾隆六年奏準各倉廩鋪
墊板木定例十六年一換今皆屬堅固整齊毋
庸拘定十六年之限統俟每季放空之後察有
朽壞者動用每年所收板木隨時修理每廩抽
換數片至數十片不等其工價照滿鋪之例覈
算於輕齎項內給發○又奏準倉中竹席板木
向係收貯各倉空廩今積貯充實並無空廩收
貯應於倉廩相間之處依兩邊廩墻下用柱脚

上加櫨椽蓋瓦前簷砌墻後簷用閘板每倉修
蓋三五處以資收貯○七年奏準各倉廩上設
氣樓窓榻每致鳥雀出入傷耗糧米嗣後均用
竹篾編成果戩釘於窓榻之上○又奏準京城
內外各倉有安設博縫者惟富新等倉向未安
設照式加增○八年奏準各倉廩抽換板片例
應工部委官察驗覈銷每因新糧到通需廩貯
米不及候驗嗣後抽換廩板如在新糧未到之
先暨糧務完竣之後仍咨工部委官察驗如遇
新糧到通之時由倉場侍郎委官就近察驗咨

部覈銷

一總督倉場戶部右侍郎順治十五年定滿漢各一人駐劄通州新城總理京通各倉糧務其漕運總督各該督撫暨沿河文武衙門凡漕運文冊應報倉場者均照報部體式應舉劾者照例舉劾各項應行事宜倉場造冊報部察覈○又覆準每年春間出巡閱看閘河點驗石土兩壩經紀車戶駁船督令坐糧廳催置布袋以備新糧到壩起運○又覆準漕白糧船抵天津督率沿河文武官弁往來催運并察驗北河淺阻

令坐糧廳督夫疏濬深通毋致糧艘阻滯○又議準重運糧船到通督令坐糧廳起卸過壩騰空漕船頒給限單催令回空○又覆準各倉收糧完竣分晰各幫完欠數目造冊具題交部察覈○又覆準輕齎由閘等銀倉場侍郎督催各省糧道按年越漕先解歲終將收放銀數造冊題銷各省未經解完者將巡撫糧道題叅仍催補解○康熙二年題準倉場督收各省漕糧除帶運米不算外其扣收餘米抵欠算入正運數內總作十分考覈未完五釐以上至一分者罰

俸一年三年連欠五釐以上至一分者降一級督催○雍正三年覆準漕白糧船抵通日期暨起過糧數回空船數并石壩外河水勢深淺五日一次具劄奏明○七年題準漕白二糧暨通濟庫錢糧奏銷向未定有限期酌定於次年五月內造冊具題

一坐糧廳滿漢各一人管理北河濬淺修築隄岸開壩催趲漕船抵壩回空督令經紀車戶轉運交倉兼管通濟庫銀出納暨抽收通州稅課事務由各部院簡選賢能科道暨司官送部引

見差委二年更換所屬通濟庫大使一人通流慶豐

開官各一人經管石壩軍糧經紀百名白糧經

紀二十有五名土壩車戶二十名舊設五十五名康熙二十五年

年裁二十五年又裁五名雍正普濟開平下開軍糧水脚

各二十有六名平上開慶豐開各十有三名白

糧水脚每開二名舊設石土二壩外河船戶三十五名康熙二十九年裁併

白糧經紀土壩車戶又有石壩裏河水各役十脚二十六名雍正五年裁歸漕糧經紀

年踐更由通州知州選殷實良民承充不許旗

人充役并不許父子兄弟同充○康熙二年題

準坐糧廳經管漕糧除帶運米不算外其扣收

餘米抵欠算入正運數內總作十分考覈未完
六釐以上不及一分者罰俸六月一分以上不
及二分者罰俸一年

一大通橋監督滿漢各一人管理石壩運到漕
白二糧抽驗斛面督催車戶分運京倉兼收隨
糧松板經管軍糧車戶三十二名水脚十三名

舊設軍糧車戶二十八名白糧車戶十三名水
脚二名雍正十年裁白糧車戶水脚增軍糧車
戶四名歸併着役

一各倉監督除豐益倉由內務府委官管理外
在京十二倉通州三倉每倉設滿漢監督各一

人管理漕白二糧交納上倉暨收貯支放等事

○祿米倉看倉旗員五人兵七十名經制吏二

名攢典二名皂隸五名花戶二十九名小甲二

名○南新倉看倉旗員四人兵四十名經制吏

二名攢典二名皂隸四名舖軍三名花戶二十

六名小甲二名○舊太倉看倉旗員六人兵四

十名經制吏二名攢典二名皂隸六名舖軍二

名花戶二十四名小甲二名○海運倉看倉旗

員二人兵四十名經制吏二名攢典二名皂隸

六名舖軍二名花戶二十五名小甲二名○北

新倉看倉旗員二人兵四十名經制吏二名攢
典二名皂隸六名舖軍二名花戶二十六名小
甲二名○富新倉看倉旗員四人兵四十名經
制吏二名攢典二名皂隸七名舖軍二名花戶
十八名小甲二名○興平倉看倉旗員四人兵
四十名經制吏二名攢典二名皂隸六名舖軍
二名花戶二十四名小甲二名○太平倉看倉
旗員四人兵四十九名經制吏二名攢典二名
皂隸四名花戶二十八名小甲二名○萬安倉
看倉旗員四人兵三十九名經制吏二名攢典

二名皂隸六名花戶二十四名小甲四名○本
裕倉看倉旗員四人兵六十名經制吏二名攢
典二名皂隸四名舖軍花戶小甲均以在京八
倉各役輪流承值○裕豐倉看倉旗員二人兵
四十名經制吏二名攢典二名皂隸六名舖軍
二名花戶二十四名小甲二名○儲濟倉看倉
旗員四人兵七十名經制吏二名攢典二名皂
隸六名舖軍二名花戶三十名小甲二名○豐
益倉監督係內務府委官管理書攢四名貼寫
二名皂隸四名舖軍二名花戶二十六名小甲

二名。看白二名。○通州西倉看倉旗員二人。兵百名。經制吏三名。攢典三名。鋪軍二名。花戶十八名。甲斗二十四名。舍人十八名。○中倉看倉旗員二人。兵七十名。經制吏二名。攢典五名。舍人九名。鋪軍一名。花戶九名。甲斗十二名。○南倉看倉旗員二人。兵七十名。經制吏二名。攢典四名。舍人五名。鋪軍一名。花戶六名。甲斗八名。○順治元年定。通倉監督一年更代。○十八年定。兩翼滿漢監督一年更代。○康熙三年題準。京通各倉監督二年更代。○六年議準。各倉均

令三年更代。○乾隆元年覆準。大通橋暨京通各倉。滿漢監督。向係任滿之時。行各部院保送引

見補授。未免有需時日。恐致貽悞。倉務嗣後預行內閣。簡送滿漢官各二人。吏。禮。兵。工。四部。大理寺。滿漢官各一人。戶。刑。二部。滿官各二人。漢官各三人。宗人府。理藩院。國子監。太常寺。太僕寺。鴻臚寺。滿官各一人。光祿寺。滿漢官各一人。中書科。漢官一人。送部引

見候

旨記名註冊遇有員闕掣簽補授○又覆準大通橋
監督員闕令倉場總督於各倉監督內簡選正
陪引

見調補○又覆準京通各倉監督任滿之期向例一
年二年三年不等嗣後均以二年為滿滿漢一
年一人更替如二年內有俸滿應升者照常升
轉仍俟差滿更換○又覆準各倉監督差滿向
例按盈餘米多寡議叙應行停止如二年之內
出入公平糧儲無虧倉廩不致滲漏米色不致
霉變任滿時倉場侍郎保題議叙加級如有虧

空題參議處○又覆準京通各倉額設滿漢監督
各一人每逢收支糧米之時不能兼事稽察嗣後
收支之時由倉場移咨戶部於記名候補監督人
員內撥赴倉場分委各倉監看并不時檄委收支
事竣仍回各衙門辦事○四年議準各倉花戶經
管啟閉倉廩收支糧米出入量兌非誠實良民克
役難免需索竊盜之虞且恐積年占據習以弊生
應限五年後滿別擇土著良民克補取具里鄰甘
結及聯名互結報倉場咨部存案○十七年奏準
各倉監督二年一換未免太促應改為三年更代

一內倉監督本部滿司官二人每年糧船到通由
總督倉場侍郎撥運漕白二糧進倉又直隸布政
使司歲解芝蔴屯豆由部交倉供支內務府太常
寺光祿寺理藩院會同四譯館白糧欽天監太醫
院宗學旗學內監等稞米及內務府油房芝蔴賓
館牧馬黑豆司其出納之事專隸本部不屬倉場
設經制吏一名皂隸四名斗級十名○順治初
專委本部廣西司滿漢司官經管○康熙三十
二年題準在於應除小差之滿洲蒙古漢軍年
久司官內挨次除用一人管理任滿照京通各

倉之例新舊交代考覈○雍正元年

諭內倉監督於戶部滿司官內除出二人欽此○十一
年覆準內倉滿監督二人向係二年更換若一
時並更換接任之人恐未諳練嗣後內倉監督錯
綜更換以裨倉儲
一稽察倉儲雍正五年

諭在京各倉每倉或都統或副都統各一人御史中不
論滿漢每倉各委一人專任稽察之責其支放奏銷
等事不必經營惟倉房滲漏墻垣損壞與倉內鋪墊
暨匪類盜竊各弊察出即行文倉場侍郎知之若倉

場侍郎等遲延不及時辦理妥協。即據實奏聞。倘不能察出弊端。以致虧損倉糧。著落稽察之都統。副都統。御史。與倉場監督等官分賠。其通州三倉。即照此例。交與通永道通州副將稽察。其失察分賠之例。亦與京倉同。欽此。○五年覆準。各倉積弊。每於收米發米之時。胥役串通家人。少進多出。監督失於覺察。漸成虧空。嗣後如虧空發覺。將胥役照侵盜錢糧例。比監督減一等治罪。其虧空之米。著落監督賠六分。書攢賠二分。頭役花戶。合賠二分。照例勒限一年全完。限內不完。著地方官將家

產變賠 ○十二年

諭。巡倉都統。御史。定為三年一次更換。欽此。○乾隆元年。奏準。向例各倉監督三年差滿。題請

欽點王公大臣。會同倉場。逐廩察驗。今監督差滿。定以二年。錯綜更換。若陸續奏請察驗。不免紛煩。應限以四年。奏請察驗一次。○三年奏準。各倉存貯糧米。向例以算法二五覈算。每多錯悞。嗣後以積方之法。酌定二年以內。見方一尺。照三斗一升六合之法。三年以外者。每見方一尺。照三斗四升之法。其二年以外。三年以內者。每見

方一尺。照三斗二升八合之法。丈算鑄造鐵尺。分交戶部倉場并各倉。嗣後均照此尺丈量折算。如違叅究。○十七年

諭。巡視通州漕務。向例止差科道一人。專司催督漕運。而倉場事務。則槩不與聞。但通倉積弊甚多。見委大臣盤驗。著添差科道四人。前往巡視漕務。凡收兌新漕。支發倉米。皆著就近稽察。至在京各倉。雖經委有專員。亦著一體留心稽察。務期諸弊肅清。以副委任。欽此。○又奏。準京倉向以都統一。御史一人。專司稽察。但都統因有旗務。不能親

身赴倉。多係委官代理。御史間日一至。亦不能每日赴倉稽察。未為周密。嗣後除都統該班。御史在城。理訟日期外。酌量輪流到倉稽察。如或疎畧。令巡漕御史糾叅。○又覆準京通各倉。每倉差御史一人。稽察年終更代。將一年內并無短收。多發。攙越。廩座之弊。據實奏明。交部存案。如奏報不實。別經察出。將御史一并交部議處。其各倉收漕。整廩。倉場總督標封。封固。稽察御史。加封各廩鎖匙。交倉場衙門收貯。於點廩發米時。發倉啟廩。封固之廩。每於夏冬兩季驗看。

一次重加封。新舊監督交代時，整廩驗封。零廩抽盤。如有攙雜短少，即指定某廩攙雜某廩短少揭報。倉場總督暨御史公同盤驗。虧闕果實，治罪勒賠。其監倉新舊交代，限兩月交完。出結出結之後，經倉場總督暨御史盤出虧闕，即將新監督指名叅處。

一收糧上倉。各省糧船到通，正兌米於石壩交兌。改兌米於土壩交兌。坐糧廳察看米色，呈總督倉場侍郎驗定。起解上袋，用駁船轉運。正兌米由石壩裏河經普濟平下平上慶豐四閘，每

閘換船。至京城東便門外大通橋，掣袋驗米。應交太平倉者，仍水運。應交內倉暨裕豐儲濟東萬安倉者，換車陸運。應交西萬安祿米、南新舊太北新海運、富新興平、本裕豐益各倉者，水運。至朝陽門外換車陸運。均分送各倉掣驗交收。改兌米由土壩裏河應交通州西南二倉者，至新城南門外換車。應交通州中倉者，至舊城南門外換車。均陸運至倉掣驗交收。其石土兩壩起斛、大通橋掣驗、京城朝陽門通州新舊二南門換車，皆暫貯號房。石壩至京倉水運，以經紀

承領陸運。以車戶承領土壩至通倉。水陸運皆車戶承領。過壩過閘。落涯上船。皆雇夫負運。白糧運送內倉暨通倉亦如之。○順治初定。起卸漕糧。遵照定例。平斛下攬。禁止淋尖踢斛。除每石給錢二十二文外。倘有多收情弊。倉場侍郎訪實。拏交刑部。依律治罪。仍刊置一單。頒發各幫運官。如運糧進倉。不挨次序。故為攬先。那後勒肯索詐。許據實填報。從重懲處。如運官捏填容隱。事發。一并題參。○又定。凡搭運無耗。平米到壩。起交。如搭運節省脚米一項。原係石土兩耗。米是以謂之無耗。平米。

壩。槩以加二五紅斛。折算正數。起運京通各倉。給發脚價。倉中仍照平斛收受入廩。○起運德

州倉糧。改兌平粟米。到通。應運德州倉粟米。改

如運京倉。於石壩起斛。照例以加二五紅斛折

算正數。起運京倉。給發脚價。如於土壩起斛。照

例以加一七紅斛。折算正數。起運通倉。給發脚

價。倉中仍照平斛米數。收受入廩。○五年題準。

供用庫。今隸顏料庫。舊存紅斛。與通州鐵斛較掣。紅

斛甚大。鐵斛甚小。酌量將紅斛減改。永為斛式。

○十二年題準。製造鐵斛。頒發倉場。永遠遵行。

○十三年定京通各倉收受漕米以坐派紅單
票即印到日為始京倉定限十日收完印給倉收
移送坐糧廳轉發運弁寫驗完呈通州倉限七
日收完如過期不完不印給倉收倉場侍郎察
明題叅○十七年題準漕糧抵通挨序收受令
倉場刊置一單頒發運官倘有需索陋規暨分
外加費者從重懲治如運官捏填容隱事發一
并題叅○康熙二十三年題準白糧自本地包
裏抵通過壩恐開包量兌致有拋散向例用秤
交兌應定限以正耗米百六十斤為一石米色

不淨加重十斤令旗丁赴倉親納短少賠補有
餘給還○四十二年題準各衙門出給倉糧均
應照部頒鐵斛其坐糧廳收兌漕糧進京倉者
每石加耗二斗五升進通倉者每石加耗一斗
七升向用加二五加一七紅斛連正耗米同收
以省量算之煩應仍照舊例○雍正二年題準
經紀運米到橋車戶運米進倉舊例每米五十
袋抽掣一袋一袋短少餘袋照數均賠於各役
腳價內扣抵嗣後酌定數目不許多欠經紀係
船運每十萬石定掣欠二百石大通橋車戶係

陸運每十萬石。定掣欠二百五十石。通倉車戶
係水陸並運。每十萬石。亦定掣欠二百石。每石
秬米作價銀七錢。秬米六錢。準於脚價內扣抵。
若此外再有多欠。除不準將脚價扣抵外。仍照
盜賣漕糧例治罪。每秬秬米一石。作價銀一兩
四錢。交與地方官。著落家產變賠。○四年題準。
白糧過壩。坐糧廳每十包秤驗一包。以百六十
斤為一石。如斤數不足。鈐印包上。報明倉場。移
知倉監督。至該倉交收之時。倉場侍郎親詣倉
內驗明過斛。如有短少。責令運軍補足。○又覆準。

石土兩壩堆貯糧袋。責令經紀車戶鋪墊席箔。
以防霉爛。倘奉行不力。致有霉爛者。察出。將布
袋糧米勒令賠補。并將該役責革。如倉場暨御
史不能察出。一并交部議處。○又覆準。漕糧卸
載。拋散米粒。責令坐糧廳率大通橋監督。設法
掃收存貯。俟漕糧運竣之日。通計掃收數目。由
倉場侍郎具奏。以為冬月煮飯賑貧之用。○又
奏準。改兌秬米二十三萬。從前原貯通倉。今通
倉秬米數多。殿座不敷。應令統進京倉。○五年
題準。失風挂欠。晒颺耗米。免其賠補。其失風挂

欠正米照數追補○六年覆準各省交兌漕糧
監兌官每船各兌一石封貯鈐印到淮總督察
驗加封抵通時倉場侍郎率坐糧廳照樣驗封
起卸倘有攙和等弊將弁軍一并究處○又題
準交收漕糧將秬稷粟米配搭均勻令各倉輪
流簽掣分撥○又議準交兌白糧責令地方官
將徵收樣米封貯運通倉場照樣比對察收○
又題準內倉需用白米次米令各幫掣簽輪流
運送○七年覆準內倉交收白糧於弁軍投文
之後照十日定期收竣給發完呈詳報倉場察

覈○又奏準各倉收受漕糧舊例收竣之後開
具揭帖呈送倉場侍郎察覈嗣後增設連三編
號印單於收米十日內一送倉場侍郎一移坐
糧廳一留倉存案其各倉所送揭帖挨次編號
填註經承名姓毋許洗補倉場侍郎按照號數
粘連鈐印以備稽察○又覆準白糧交倉餘米
照漕例顆粒不許出倉先盡挂欠之弁軍買抵
如無欠白弁軍照秬米價值給發○又覆準漕
糧抵壩令坐糧廳驗明米色方許經紀車戶運
送各倉交收○十二年覆準京通各廩雍正七

年以後之米準報氣頭一二百石。廩底三十五石。惟裕豐儲濟兩倉係七年新建。各廩米隨收隨放。存貯未久。止準氣頭廩底數十石。○乾隆元年奏準裕豐儲濟二倉米有陳積六七年不等者。準照京通各倉之例報氣頭廩底。惟儲濟倉內乾隆二年增建之廩仍照數十石之例開報。俟乾隆十二年後照各倉一例辦理。○又奏準漕糧到通由通運京各閘雇夫負運向多游手無藉之徒倚衆橫行。應令坐糧廳暨大通橋監督協同地方官不時稽察。並取號頭不敢容

留匪類甘結存案。如有不法等事。號頭徇隱不報。以及縱令遠颺者。並坐以罪。該管各官不即拏究。從重議處。○三年奏準通倉舊存糶米支存無幾。不敷支放。嗣後將改兌糶米每年撥貯通倉十三萬石。其餘仍進京倉。○又題準通州土壩車戶掣欠定例。每運米十萬石。掣欠止二百石者。糶米每石七錢。糶米每石六錢。準其於腳價內扣抵。若再有多欠。每糶糶米一石扣銀一兩四錢。著落家產追賠。但每年掣欠數多。扣追難償。嗣後每石準其掣欠八合。照七錢六錢

之例買餘米抵補。此外若再多欠，仍照一兩四錢之例於腳價內扣抵。○又覆準向例內倉歲進白糧二萬餘石。今禁城兵丁暨內監人等白米改給秬米，應改進漕糧萬五千石抵進白糧七千石。其一應收受遞減晒颺折耗運軍餘米，并收米之連單倉收完呈，以及腳價茶果等項，統照京通各倉之例。○又奏準各倉收貯糧米向例每廩以萬一千六百石為額。今各倉所貯之米或多或少，且有奇零尾數，難以覈算。應酌定每廩以紅斛正米萬石，定為常額，毋許盈縮。

如有零數，別貯一廩。○又覆準通倉抽掣米數，如有書攢人等勾通經紀，將掣欠之數以多報少，折價侵肥者，總督倉場侍郎察究。○四年奏準通倉稻穀不敷支發，將應運京倉後米二萬石改撥通州，以抵不敷稻米。○又奏準豐益倉向例每歲進米十有五萬石，今剩積數多，應減半撥運。每年減收腳價茶果銀三百五十餘兩，於坐糧廳衙門支取。○七年議準內倉每年約放秬米二萬四五千石不等。今倉場僅撥浙江各衛所額解紅斛秬米萬五千石，合平斛米萬七千八百九十四石一斗。

每年不敷米五六千石至七八千石不等。於額撥米數之外，增撥紅斛秬米五千石，以供支發。○十七年覆準。嗣後兌漕之際，令稽察御史會同監督掣驗，嚴禁胥役需索。務期米色明潔，斛面平足。如有賄囑濫收等弊，即將監督叅處，並令步軍統領多差幹役嚴行緝訪。如有胥役舞弊，即嚴拏治罪。○又覆準。各倉貯米，每廩以正米萬石為常額。無許或多或少。又新糧不得攙入舊米。廩內進米時，務令倉場總督分定廩座。一面將陳廩封固。俟進米完日，與稽察御史親赴倉內丈算覈足。開明所

收米數，並驗收監督經管吏攢姓名。收貯年月。標置廩門封固。注籍報部。

一發米出倉。順治十六年覆準。各倉發米時，挨次支領。如有車輛擁擠，暨偷盜等事，拏送刑部治罪。○又覆準。各倉發米時，不許在倉買賣。倘有串通倉役包攬糧米者，拏送刑部。從重治罪。○康熙元年覆準。每季發米，部差司官二人，並旗員一人，到倉與監督一同監放。有通同攙和糠土濕米等弊。倉場侍郎題叅，一并議處。若監督不嚴察下役，致有攙和糠土濕米，并少量索錢等弊，將經管官交

與吏部從重議處。作弊下役。交與刑部從重治罪。至領運米之佐領。領催并家人。若將好米攬和糠土偷盜者。亦送刑部從重治罪。○又奏準。八旗俸餉。并上三旗米冊。每季限上月初十日。以內送部。轉咨倉場。照例兩月內支發全完。如每季上月初十日。以內米冊不送部。該旗即將造冊遲延之官題叅。交部議處。○又議準。官兵俸餉米。既已造入冊內。雖有升轉。不許增補。告休物故者。停其裁扣。仍給原人。其頂補之人。於下月支給。如獲罪革退者。仍行裁扣。○雍正元年

諭將八旗米冊送部各日期。記明奏聞。其舛錯駁回者。從

另送冊之日。扣算。欽此。○又覆準。鄉會場供給米。內倉

應用米。滿漢廩糧。兵丁行糧。禮部支取內監食米。光祿寺飼鷲米。象房飼象米。暨散給囚糧。內管領下口糧。均支老米。其五城振貧。兵部箭匠。工部作官。織染局匠役等食米。均支稜米。○又奏準。俸米兵餉。舊例春秋二季。闕支限三月發完。將兵米分作三季。俸米分作兩季。限兩月發完。○二年奏準。上駟院暨各王府飼馬鹿羸等處米。舊例係各倉監督運送。嗣後覈定應給米數。由部劄知各倉。別給

印票付領米官役持票赴倉支領各倉監督察對米數相符照數支給不必著令監督頭役押送如有需索加米等情許該監督揭報題參○三年奏準八旗兵米向例分京內八倉支領今增設萬安一倉將驍騎校護軍校應領米別分一倉同八旗兵米分作九處支給○五年奏準倉場書役熟久弊生嗣後少進多出以致虧空者書攢頭役均照侵欺錢糧之例比監督減一等治罪其虧空米著落監督賠六分書攢賠二分頭役花戶合賠二分勒限一年之內賠補全完倘限內不完著落地方

官將家產變賠○又奏準內倉存貯芝蔴因取用甚少恐久貯變色嗣後每年所收芝蔴百石除各處支發外將餘剩芝蔴過三年後照例變價交庫○六年奏準各倉設立循環二簿舊例止記糧米收發數目嗣後將支發糶賣之數按照部咨暨各該城司并通州知州各印簿逐一磨對勿許舛錯

○七年

諭支發兵米之時如遇雨水稍多即寬限一月永為定例欽此○又奏準漕米貯倉向例按年挨陳支放凡有交受零數新米各貯一處不許入於舊米之內

將放過米數并經手監督攢典姓名於某年月日收貯開明粘貼廩門仍於循環簿內註明報部嗣後挨陳應發之廩並令掣簽開發倘不掣簽致家人開放新廩者事發照州縣失察家人犯贓例叅處○又覆準各倉鋪設供給不得絲毫索派倉役違者計贓科罪其監看放米旗員日用均令自備倘與倉役勾通需索領米之人叅革計贓科罪監督任聽倉役需索不察等者照州縣失察衙役犯贓例議處○又覆準八旗官員支領俸米每一佐領給票一張倉場驗明給發○又覆準

圓明園西駐防兵米在豐益倉支領

圓明園東駐防兵米在本裕倉支領○八年奏準新

增裕豐儲濟二倉將驍騎校護軍校米仍隨八旗支領其鑲黃正黃正白等三旗米別爲三分同八旗甲米分十一倉闔發仍將所限各倉及支發米數開列版名年分五日一報○九年覆準八旗支領米冊於各佐領總數下覈算兵米分註秬稷粟米各若干俸米分註白秬稷粟米各若干送部轉行各倉按色給發○乾隆元年奏準監督失察攢典混領倉米希圖多賣價者照府州縣書役侵欺

錢糧不行察出照徇情例降二級留任○二年奏
準兵米分為四季於二五八十一等月支給或遇
閏月之年或值米價昂貴後季米不能接濟前季
或南米抵通需廩盛貯隨時奏準酌定先期開支
○又奏準向例太常寺光祿寺各賓館需用白糧
二千餘石王公百官俸白米十五六萬石內務府
禁城兵丁暨內監食用等項需白糧萬石今白糧
減徵應將王公百官白糧酌減一半以秬米抵給
禁城兵丁暨內監白糧全改秬米其禮部支領各
國貢使暨光祿寺太常寺支領祭祀等項白糧內
務府元宵糯米理藩院所領扎薩克王貝勒貝子
公台吉各來使公主格格額駙等白糧均照舊支
給欽天監太醫院月糧宗學讀書宗室八旗讀書
覺羅左右兩翼教習

盛京船廠寧古塔索倫八旗厄魯特等處送物來京
人員

欽安殿道士內監各處喇嘛以及匠役口糧全改秬
米薊易二州每年截留白糧米亦減半以秬米抵
給○三年奏準黑豆質堅多係隨收隨發並無消
耗遞減之數不準開銷○又奏準旗人領得粟米

糶賣不得過銀五六錢。今米價昂貴，應將兵米內借撥代粟稔米十八萬石，交五城十廠平糶所賣錢文，易銀解部。將來兵丁應支粟米內酌量豐收之年，於秋冬二季每石折銀八錢，陸續分年扣還。○又題準：八旗兵丁四季領米，每季均有零尾杪勺。佐領總領分給，每多折耗，應將每年春夏秋三季所領三色米總數以斗為止，撒數以升合為止。其杪勺零數并入第四季支領。○又奏準：禁城兵丁暨內監應支白糧，改給秔米。有折耗碾碓之費，按原給白米一石改給秔米一石二斗五升。○又

議準：每季領米時，旗員察驗米質。如果不堪食用，令於倉中封固，即報倉場侍郎都統察明具奏。○又奏準：倉場侍郎於進米時分定廠名，將陳廠封固。進米完日，赴倉將新米丈筭覈足，更換封條。如進米之際適逢發米之期，該監督將挨陳應發之廠開報，倉場侍郎委官拆封監看。倘有不遵挨陳發給者，將監督題叅，倉役究治。○又奏準：每年春秋二季支發俸米，多有在通售賣者，以致米局商舖賄托倉役有撞斛多量之弊，應令倉場侍郎於發米時嚴行訪察。如有前弊，拏送刑部治罪。倘察

拏不力。別經發覺。交部嚴加議處。○又奏準。每倉造具鐵斛一張。作為樣斛。各旗委放米之員。以木斛較對。樣斛兌發。以木橦打平。嚴禁簸箕歪量之弊。○又奏準。修造斗斛。均令呈報倉場侍郎較準。記烙火印。倘有不呈報較對烙印。即行私用者。題叅究治。○四年奏準。開倉時。每旗委押旗叅領。於發米前一日。將應領米數暨領米人數。開單交與監督。按數起票三張。於領米後一日。一交滿監督。一交漢監督。一交監放監督。稽察出倉。其領米兵丁花名。各旗開單。鈐用佐領圖記。帶赴倉內。交與押旗

叅領。點驗進倉。仍令嚴行稽察。如監督所屬人等作弊。押旗叅領察出。呈明該管大臣。叅奏究處。押旗叅領所屬人等作弊。監督察出。呈明倉場侍郎。叅奏究處。至車輛出倉。除叅領與監督等一同察對紅簿外。其閑散驍騎校等。仍在倉門巡察。令車輛挨次排行。嚴禁爭擠。○又奏準。向例官俸米內。有粟米一項。以採買直隸營田稻米抵支。但直屬或遇歉收。停止採買。即不敷支。發應以稜米抵稻米支給。如直屬稻米豐收。採買運通。仍支稻米。○又奏準。各衙門筆帖式

俸米向例在通倉關支。但所領米數無多。赴通有往還脚費。著改於京倉給領。○五年奏準。各倉木斛。三年一次建造。於解通板木內取用工匠鐵葉。每張給銀七錢。於通濟庫銀內支用。○八年奏準。八旗官兵馬駝應需料豆。從前原係給銀採買。但近京地方產豆無幾。每多闕乏。應於河南山東二省粟米內。改徵黑豆。撥運京倉。於每年九月馬駝回廠。每匹月給黑豆一石。以資芻秣。至次年四月出廠之日。停止。○又奏準。恭遇

皇上出巡之年。各旗馬駝留養京師。自四月以後。仍酌量支給本色黑豆。其豆價照例扣除。○八年題準。改鑄小口鐵斛。頒發倉場。並有漕各省。照式鑄造。遵用。舊存鐵斛繳銷。○十年奏準。八旗關支馬豆。向未酌定。送冊限期。以致遲早不一。兵丁不得及時支領。嗣後每月定於初十日。以內支給。於前月之杪。造冊送部。劄倉。如限內冊不送部。照造冊遲延例議處。○十二年奏準。八旗官員俸米。總以十二月十五日。六月十五日。兵丁米。總以上月十五日。作為過冊定限。各旗

送冊或因遲速不齊或因舛錯駁回校正以致逾限總以月之十五日為準分別關支裁扣如官兵升轉在定限以前準其支領新任俸餉在定限以後不準支領新任俸餉其告休物故在定限以後準其支領銀米在定限以前不準支領銀米其開倉發米總以每季首月初一日作為定限如官兵降革在每季初一日以前其米槩行追繳如在初一日以後者免追至各旗兵丁逃亡將應交米折銀暫存旗庫於次年三月彙總交納○十七年

諭向來八旗兵米皆按四季支發但發完之後因去下屆發米之期尚遠舖戶得以乘機囤積米價日漸昂貴若將兵米陸續支發俾源源接續殊有裨益但就一季之中再為分次支發未免紛繁其應如何酌分旗分按月輪發著妥議具奏欽此遵旨議準兵米既按月輪發應分別旗分將鑲黃正黃二旗分於四五月正白正紅鑲白三旗分於四仲月鑲紅正藍鑲藍三旗分於四季月各旗依酌定月分赴領則辦理不致紛繁米糧時得接濟於兵民均有裨益○又覆準各倉發米時滿

漢監督皆在官廳檢閱米冊。從不親至廩口。一任家人倉役在廩支發。易滋弊端。嗣後務令一人在廩口監看。倘仍前偷安。巡漕御史即行糾叅。○又奏準。向來各倉整廩。係倉場總督封識。其發過殘廩。即交該倉監督自封自開。嗣後凡係殘廩。皆由都統御史封識。發米之時。驗封啟鑰。○又奏準。各倉廩米。務令挨陳開發。報部察覈。如王公等所差領米之人。揀擇新廩。許監督稟報倉場侍郎暨御史指名叅奏。交部治罪。監督如違成例。越廩支發。一併叅處。○又覆準。京

通倉支發各旗米。向係旗人自行載運。乃希省脚費。并圖簡便。賣於官局。則官局於各旗領完後。赴倉支領。賣於民局。則總票中分出小票。自行支領。其故不過串通書役花戶甲斗人等。揀擇好米。斛面滿足。遂致倉儲有闕。無盈。嗣後監督發米。務照總票數目。令該旗全運出倉。聽其自行售賣。倘領催暨領米之人。仍前舞弊。聽察倉御史指名題叅。將該領催等從重治罪。並曉諭官民米局。如有於總票中私分小票。或於封倉後私赴支領者。經步軍統領等衙門察出。將

賣米之人。無論王公大臣官員。即行指名題參。其倉役及買米人等。照偷盜例究處。所買之米。全數留倉。○又奏準。京倉米雖屬挨陳支領。但每季兵米。各倉均開廠支發。而新漕運京。又須分派兌收。是一倉之中。有新有舊。有發有收。幸溷不清。錯雜難覈。應將京倉八旗兵米。并官俸役食等米。每月止開一倉。先盡一倉發完。再開一倉。以次開支。其騰出空廠。挨次收貯新漕。俟各倉支發全完之後。仍照收漕先後挨陳發米。再京倉既定先盡一倉。以次支發。則見在發米。

之倉。即應委官稽察。其餘各倉。無庸各差御史一人。應以本年為始。每年差滿漢御史二人。專察京倉。凡遇收發之時。該監督先期知會該御史等。輪流稽察監看。倘有違例出入等弊。將該監督題參治罪。

一隨糧耗米。各省正兌漕糧抵通。每石耗米二斗五升。進倉時。每正米一石。收倉耗七升。尖米四升二合。又尖上加耗米二合九勺四抄。又節省盤開耗米三升。內除尖米四升二合。作三年遞減外。仍存三項米一斗二合九勺四抄。均作

正開銷其餘一斗五合六抄米內五閘盤運折耗米二升晒颺折耗米四升七合六抄給運軍回船食米三升八合改兌漕糧抵通每石耗米一斗七升進倉時每正米一石收耗米四升尖米四升二合又尖上加耗米一合六勺八抄以上三項米內除尖米四升二合作三年遞減外仍存二項米四升一合六勺八抄均作正開銷其餘米八升六合三勺二抄內晒颺折耗米四升八合給運軍回船食米三升八合○順治十六年覆準京通各倉所收漕米不及一月者不

準遞減一月之外每石每月於尖米內遞減折耗米一合一勺六抄以三十六月為止此外不準遞減至內倉白粳米糯米每石每月準遞減二合七勺七撮七圭西中南三倉白粳米糯米每石每月準遞減二合八勺三撮三圭糙粳米每石每月準遞減三合七勺七撮餘均作正支發各倉收貯黑豆照米例遞減○雍正五年題準交收漕米停止晒颺將原備折耗米四升七合六抄令各監督於漕米進倉之時抽掣一二袋驗看如有潮濕計其折耗將未驗看

之米照此計算。餘剩之米歸入正項支銷。
一隨漕經費。各省解至通濟庫交納。每年糧船
抵通交兌。按船按米。給董夫羨餘銀有差。詳見漕運
則其運京運通水陸運費。過壩過閘。負運脚價。
各有成例。按數支發。○順治初定。土石兩壩。起
運京通各倉漕米。內除失風漂流米。扣除不給
脚價外。凡實起過壩進倉糧米。均按石數給脚
價。○十年題準。石壩經紀。自壩由裏河五閘。駁
運至大通橋。每糧一石。給脚價二分四釐。○又
覆準。普濟。平下。平上。慶豐等四閘。負運漕米。過

閘。每閘。每石。給脚價三釐。大通橋。負運漕米。落
涯堆貯號房。每石。亦給脚價三釐。○又覆準。白
糧。經紀於石壩裏河。負運白糧上船。每石。給脚
價三釐五毫。○又覆準。白糧。經紀由石壩裏河
五閘。駁運白糧至大通橋。每石。給脚價一分八
釐。○又議準。普濟。平下。平上。慶豐四閘。負運白
糧過閘。每石。共給脚價八釐七毫三絲七忽六
微。○又覆準。大通橋。負運白糧。落涯堆貯號房。
每石。給脚價二釐一毫八絲四忽四微。○又覆
準。白糧。經紀。土壩裏河。負運白糧上船。每石。給

脚價三釐五毫○康熙三十九年覆準漕糧抵石土二壩向由外河船戶負米落涯堆貯號房每石各給脚價三釐今外河船戶裁革歸并經紀每石給銀一釐由土壩裏河負米上船撥運至新舊兩城南門號房裝車陸運進西南中三倉每石共給車戶銀二分九釐○又題準白糧抵石土兩壩向由外河船戶負運落涯每石給銀二釐五毫今外河船戶裁革歸并白糧經紀每石給銀一釐○四十一年覆準大通橋車戶運米進祿米南新舊太海運北新富新興平等

倉每石給脚價四分九毫○四十四年題準白糧經紀由土壩裏河駁運白糧至新舊兩城南門落涯車運進西中南三倉每石共給脚價一分○又覆準通州西中南三倉運送白米并紫老米至內務府倉戶部內倉每石給車價六分○雍正五年覆準漕糧於石壩起斛之後向用水脚由號房負運上船今石壩裏河水脚裁革歸并軍糧經紀每石給銀一釐○十二年覆準大通橋車戶運米進祿米南新舊太海運北新富新興平等倉每石給脚價三分四釐運進太

平倉每石給脚價一分五釐運進萬安倉每石
給脚價二分五釐九毫運進裕豐倉每石給脚
價二分二釐運進儲濟倉每石給脚價二分六
釐運進豐益倉每石給脚價一錢二分四釐○
又覆準運進本裕倉由石壩裏河五閘駁運至
大通橋轉交車戶起車陸運每石給經紀石壩
外河負米落涯脚價一釐裏河負米上船脚價
一釐五閘撥運至大通橋脚價二分四釐普濟
平下平上慶豐四閘水脚負運過閘上船共銀
一分二釐大通橋水脚負米落涯堆貯號房脚

價三釐大通橋車戶陸運至倉每石給脚價九
分四釐以上每石共給銀一錢三分五釐○又
題準京通各倉收糧舊例雇夫負米入廩包圍
名曰雇長每石給銀八釐負米到圍名曰小甲
每石給銀四釐鋪廩打捲抱籌擡斛京倉名花
戶通倉名甲斗每石給銀七毫共給銀一分二
釐七毫今每項減半實給銀六釐三毫五絲其
本裕一倉每年進米無多仍照舊例發給○又
題準大通橋車戶運送白糧進內倉每石給銀
二分八釐○十三年覆準在京各倉運送廣惠

局米每石給車價銀三分五釐。○乾隆三年奏準。豫東二省。運到黑豆。自通至京入廩。每石給負運脚價一分七釐。車運銀五分八釐。倉役脚價六釐三毫。每豆二石。給席價銀一釐七毫。○又題準。通州三倉。向有白糧飯銀。暨變賣麻袋銀二項。給監督作為用度。今監督既給養廉。其飯銀裁交通庫。以充開放白糧。並一切辦公之用。○四年題準。大通橋車戶。向例運米萬石。扣銀千六百二十五兩。以作買餘抵補掣欠。如有餘剩。并入節省歸公。今應將車戶扣除銀除買

補掣欠之外。餘剩給還。免其歸公。○七年議準。凡京倉運送內務府米糧。向不開銷脚價。今議定。每石準給脚價三分五釐。○八年覆準。漕糧抵通。運進京倉。於普濟等四閘。暨大通橋。各設水脚頭役。負運上船。每石給銀二釐七毫。○十三年覆準。豫省漕糧。改徵小麥。最易潮濕。生蟲不便散貯廩中。應令席繩紮圈。封固收藏。所需席繩等銀。于通濟庫銀給發。

一北河濬淺。乾隆十一年議準。各省漕船抵津。遇淺起駁。向於漕糧項下。編徵銀一萬四千五

百餘兩。解交通濟庫。發給運軍。詳見漕運則例。嗣後應於北河六汛。增造堡船六十。召募祿夫百八十八名。長設淺夫三百名。每月各給工食銀一兩二錢。令沿河汛弁。上下遊巡。督率祿夫淺夫。隨時疏濬。其造船及置備器具。並夫役工食。皆於通濟庫收貯。駁船銀內動支。如有餘剩。仍照數派給運軍。以為駁淺之用。

一駁船運袋。石壩裡河軍糧經紀運米駁船百艘。石壩二十四艘。普濟閘二十艘。平下閘十有五艘。平上閘二十二艘。慶豐閘十有九艘。白糧

經紀運米駁船二十五艘。分撥五閘各五艘。土壩裡河車戶運漕白糧駁船二十艘。均十年排造一次。每船給銀七十八兩一錢三分。○順治十三年題準。成造駁船。每船給價銀二百九十八兩三錢九分六釐。在通濟庫銀內給發。○康熙六年題準。每年各役預請支給腳價。自行修船。於各役腳價內。限六年勻扣還庫。又土壩裡河白糧經紀。自備駁船五艘。不請支排造銀。○三十七年題準。大通橋至朝陽門護城河駁船二十八艘。朝陽門至東直門護城河駁船十有

四艘定限十年一造每船給排造價銀百八十六兩六錢六分於車戶脚價銀內六年勻扣還庫○三十九年議準石土外壩兩河向設有白糧船戶三十五名共駁船七十艘內石壩四十艘土壩三十艘每船給船價銀百四十兩今負運落涯事務歸并白糧經紀土壩車戶經管或租或買係自行備用毋庸支給價銀○四十七年題準朝陽門至東直門護城河駁船十四艘撥給會清河駁運本裕倉漕米○雍正二年奏準石壩需用米袋向於糧船未到之先照依時

價預發銀令軍糧經紀自置袋十有五萬條白糧經紀自置袋萬條其支過袋價仍於各役本年脚價銀內照數扣除還庫嗣後每歲動茶果銀增製官袋四萬條○三年題準本裕倉漕糧改為陸運其朝陽門撥給會清河駁船一并裁革○四年題準萬安倉開設東門疏濬護城河將舊設駁船改小仍給八船料價改造十四船撥運在於各役脚價內分八年扣還○又奉準前增置米袋四萬條用殘將袋變價仍歸茶果項下以為次年置袋之用○又議準土壩車戶

每年共置布袋四萬條。今改兌稜米。全進京倉。土壩車戶。脚價無多。在於石壩官置袋內。通融借給一二萬條。運竣仍還石壩應用。○八年題準。萬安倉運道鋪墊石路。仍改車運。將前項駁船移於朝陽門內濟運。○乾隆元年奏準。通濟庫奏繳餘剩銀。嗣後酌留二萬二千四百餘兩。置買次年新漕米袋。如有餘剩。悉行解部。○三年奏準。內倉改進漕糧。應需運米布袋。在於通漕借用。○五年奏準。漕糧到通。由五閘轉運進京。例係經紀排造駁船。往回駁運。各有代役一

名。名曰船頭。向係經紀自雇。聚散自由。不聽約束。嗣後即令通州。及大興縣。各按所屬地方。召募殷實良民。承充五閘共船頭百二十五名。每名。每年於經紀脚價銀內。扣給工食銀三十五兩。○七年奏準。五閘船頭。偷盜米糧。計所偷米數。以監守自盜論。為數無多。罪止杖懲者。枷責完結。其犯徒罪以上。計贓照律治罪。○又題準。大通橋。至朝陽門護城河。駁船二十八艘。原定造船價銀。每船百八十六兩六錢。內有盈餘。嗣後每船給銀百三十兩。○十三年奏準。石土兩

壩每年起運漕糧經紀車戶等已置米袋十六
七萬條每日轉運週而復始足以敷用其每年
增置米袋四萬條停其製造以惜浮費倘不敷
運轉令照例自行製備

一採買糶賣康熙四十年議準各倉久貯米糧
遇有附近地方米價騰貴挨陳發往平糶仍照
糶價依限交部○雍正六年

諭直隸地方新營水利開墾稻田產米甚多直隸百姓
不慣食稻米發帑採買利益民間將所買稻米運交
通倉以抵粟米支放欽此○八年覆準五城設廠發

糶成色米委部院衙門官各一員協同地方官

監糶止許零星糶賣以防囤積仍將所收銀錢

按月造冊送部察覈○又奏準五城領賣通倉

米每石脚價七分自倉用一小車推出裝載大車

銀一釐賃用布袋銀四釐均係按石給發○又

其大車價銀五分領米人役飯食銀三釐又

覆準五城領賣通倉米向例係按自通至京程

途四十里計程覈給脚價其運送四鄉八廠出

糶應照例按程覈給○九年題準各倉發糶十

成老米每石作價一兩稜米八錢粟米六錢成
色米每石照十成米色按成遞減五分其盤量

虧折由京倉領糶每石準銷耗米一升由通倉領糶每石準銷耗米二升○十年奏準直隸州縣採買稻米運通竟有不從本地辦買足數將通州支放之米私買抵兌攙雜交收之弊應令州縣在本地採買者該地方官盤驗預將盤過實數速報倉場存案仍封貯米樣上鈐印信隨船呈驗倘有虧折短少不得在通買補照漕糧例於次年搭運交倉○又奏準京城各局廠領運京倉米每石給脚價制錢三十五文本裕倉每石給制錢七十文通州二廠領運通倉米每

石給制錢二十文解錢車價每串四文○十一年奏準各倉變色米按成估報酌減糶賣○又奏準五城領運通倉米每石定脚價七分其米錢解運部庫暨一應席片紙張等費每糶米萬石準銷銀三十兩○乾隆二年奉

旨撥米五城各廠平糶嗣又奏準於近京東西南北四鄉增設八廠撥米平糶以濟民食每廠書吏二名斗級八名夫役四名令地方撥給工食每官從役三名共給銀五錢夫役每名日給銀六分書吏每名日給銀八分以爲日用之需各倉

運米到廠令倉場并順天府撥車運送發糶米每石準折耗二升糶價銀錢兼收十日一次解部○三年奏準東省緩徵黑豆運通豆不敷支放奉

旨○八旗飼養馬駝黑豆在所必需今戶部因倉貯豆少請每月減半支放朕念兵丁等若自行增買不無多費且在京收買恐市價益復高昂今年山東河南二省收成尚好應於山東採買五萬石河南採買三萬石共八萬石足敷支放之用著該部行文東豫二省巡撫酌量地方情形動支正項錢糧

分令各州縣採買嚴禁短價病民暨胥役侵蝕等弊務須於河凍之前委官運送抵通勿致有誤臘月以後支放之用其豆草并腳價等項仍造冊報部覈銷欽此○六年奏準各倉發糶氣頭廠底米向係各監督直檄五城領糶並不移會御史嗣後令各倉監督將米數移會五城御史酌委司坊官領糶○又奏準五城十廠并通州糶賣各倉氣頭廠底米定例每月之一日六日投批逢月之五日十日交錢嗣後每廠頒發循環簿二本令其逐日登填糶賣米數錢數并實存米數

按月送部換給。仍以一六投批。五十交錢。無論多寡。盡數交納。倉場侍郎於部檄發糶文到之日。就各廠近地。將倉米按十一分均分。令各廠領糶。如一倉米多。即分兩廠。米少。一廠並領二倉。本裕倉米。酌令北城領糶。通州米。除通廠支領外。勻給東南二城。○七年題準。五城糶米錢。年終報銷。務以十二月三十日爲止。截定數目。造報。庶免舛錯。察覈亦易清楚。再次年開印日起。定限兩月彙齊送部。如有遲延。照例叅處。○八年題準。古北喜峰等口。如果收成豐稔。米

多價賤。奏明動藩庫銀。委官按時採買。以四萬七千餘石。運交薊遵等倉。供應

陵寢支放。餘均運通收貯。其豫東二省。應運

陵糶之四萬七千餘石。仍運通倉備用。○九年奏準。京

通各倉。每季支領俸米兵餉。均有氣頭。厥底。向例隨報隨發。各城按成減價發糶。嗣後每年分作兩次。京倉夏秋二季。并通倉春季。留於十月以後發糶。京倉冬春二季。通倉秋季。留在三四月間發糶。○十年題準。豫省祥符等九縣。採買黑豆四萬石。運至通倉。連運價雜費。每石合銀

九錢一分二釐三毫由通運京脚費計程四十里每石加車價銀五分三釐統計價費在一兩以內應統限十一月內辦起務於來春三月全數抵通自通運京兌交倉場侍郎代收轉運一切布袋等項就近借撥

一京通官役公費倉場滿漢侍郎每年各給銀

二千四百兩舊例千四百兩雍正六年加給千兩坐糧廳滿漢二

人每年各給銀二千二百兩舊例千二百兩雍正六年加給千兩

又通濟庫餘平分給銀多寡不等均於茶果銀內動支大通橋

滿漢監督每年各給銀五百兩倉場衙門筆帖

式四人每年共給銀千八百兩○雍正元年議

準坐糧廳茶果銀漕白二糧每船納銀十兩小

米每船納銀七兩除各幫頭并有事故船不納

外接到通船實數交納多寡無定如全漕抵通

約收銀六萬餘兩以為各官公費吏役飯食苦

蓋

皇船疏濬塢河修理閘壩暨催漕快船收買各幫交

剩餘米豆價等項之用○四年奏準各倉茶果

銀每米一畝納銀六十兩七分作放米修廩之

用三分給吏役以備造冊刷卷等費仍令坐糧

廳徵收。其不足一廩者。按米遞減。封貯通濟庫。俟驗明各倉放米數目。開報倉場。照數批給。永為定例。○七年奏準。白糧進倉。向例每船各項需銀三十五六兩。嗣後將各船陋規銀裁減十分之六。存四分。為雇募倉役之用。其漕船抵通。每起米一石。運軍貼經紀車戶制錢二十二文。每大米一石。經紀貼大通橋各役制錢一文。小米二石。亦貼制錢一文。至漕糧運進京倉。每大米一石。小米二石。大通橋車戶貼倉役亦如之。其倉場并坐糧廳衙門各書役。舊有飯銀酌量。

存留。餘悉裁革。○八年奏準。將應存應革各款。均勒石昭示。以杜額外需索之弊。○十三年定。通濟庫大使一人。每年給銀二百兩。庫吏一名。給工食銀百二十兩。庫役四名。共給工食銀六十兩。均於茶果銀內動支。○又奏準。各倉腳價。每領銀百兩。向給倉場書吏紙筆飯食銀八兩。應行裁革。別於茶果銀內。按各倉應領腳價數目。酌量撥給。○乾隆三年奏準。京通十五倉。滿漢監督。每年各給銀三百兩。於坐糧廳茶果項下動支。○又奏準。內倉向收白糧茶果銀千有

六百餘兩。以為監督筆帖式吏役飯食一切雜費之用。今白糧議減。改進漕糧。所收茶果等銀。僅六百餘兩。不敷支給。每年撥給運米布袋萬條。聽該倉變價應用。○九年奏準。各省船糧到通。應交茶果銀。向係運軍自行交納。往往交不足數。除山東河南二省。糧船不過淮。仍照舊交納外。其各省。皆令糧道於各軍應領耗贈項內。每船扣茶果銀十兩。封交押運廳員。到通覈算。批解坐糧廳衙門交納。如遇中途截留。仍行散給運軍。以為起米回空之費。○十三年奏準。向

目內倉應得腳價茶果等銀。不敷辦公。將每年殘袋。準給萬條。令其變價。以資公用。今官袋既停製造。應於坐糧廳茶果銀內。照殘袋變銀八百兩之數。給發。以為辦公之用。

一直省州縣衛所。各設常平倉。凡米麥穀豆高粱成貯焉。各該管官司。其出納。歲歉賑借平糶。年豐出陳易新。計一歲之出入。造具奏銷冊籍。申府司。達督撫。彙冊送部察覈。○直隸。江南。福建。各設倉大使二人。山東五人。山西三人。江西浙江各一人。西安四人。廣東八人。其餘各直省

府州縣衛所均有倉無額設大使○順治十三年議準積穀賑濟務令修葺倉廩印烙倉斛選擇倉書糶糶平價不許別項動支倉穀○康熙二十五年題準黑龍江默爾根地方起造倉廩收貯米穀○雍正四年議準凡地方倉廩倘有滲漏及牆垣木植不堅全者所需工費無多該地方官即為修補若年久傾圮旣瓦木植破碎朽壞者該地方官即詳明上司委官估計工費報部即動支正項修蓋具有地方廩座無多將倉糧寄貯僧寺道院者或並無寄貯之處將米

穀露囤者該地方官即詳請督撫察勘確實將作何建倉之處酌量具題倘州縣官漫不經心因循怠玩不將倉廩修補不詳請修理蓋造以致米穀霉爛者照溺職例革職限一年內照動帑買補之數賠完如限內不完即照侵蝕錢糧例以未完米穀之數依律治罪倉廩既經修理猶有托名霉爛虧空者察出即照侵蝕例治罪○十一年議準喜峰口倉就近歸於遷安縣經管每間貯穀五百四十石計算應建倉廩二十六間○乾隆四年議準興建倉廩準在存公銀

內動給。向例每間估需銀二十兩。貯米五百石。
○九年奏準。動撥灌縣穀六千石。碾米三千石。
運赴松潘。減價平糶。於藩庫存公項下。動給碾
費運脚。

一直省義倉社倉。春則支借。秋成還倉。設正副
社長。司其出納。每歲報明各該地方官察覈。
一直省地方水陸通衢。設倉以備緩急。其所貯
米穀。或供兵糈。或佐常平。計出納之數。歲底彙
入倉糧奏銷冊內。申報督撫。送部察覈。以上均
詳見積
貯則
例。

一直省各鎮協。凡屬沿邊沿海暨離省遙遠地
方。設立營倉。米穀兼貯。遇青黃不接之時。或借
或糶。以資接濟。委營弁經理。如有那移虧闕者。
照常平義倉之例。題參究處。○康熙三十年

諭。江寧京口等處。官兵駐防之地。著將漕米各截留十
萬石。建置倉廩。以備積貯。欽此。○四十年題準。楚省
漕糧二十萬九千餘石。盡數截留。存於江南江
寧省倉。以六萬四千石。充給兵餉。將採買兵米
價值。照數扣留。以四萬五千石。分發淮安等處
平糶。以濟民食。俟秋成時。將糶賣米價。并兵米

扣留價值。照數買補還倉。其餘存剩米。如不動用。仍俟下年循例給兵發糶。○四十九年議準。湖南鎮筸地方。僻處苗邊。改協為鎮。移駐道廳。兵民日增。若遇歲歉。恐食有不敷。撥司庫銀三千兩。買穀備貯。○雍正三年覆準。廣東生齒繁庶。家鮮蓄積。將存公銀兩。造倉買穀運貯。於南澳鎮各營貯五千二百石。潮州鎮各營貯五千三百石。碣石鎮各營貯六千二百石。提標五營貯五千石。督標七營暨肇慶城守營共貯七千石。每兵一名。約存穀一石零。借給各兵。其有餘

者。不必借給。窮苦者倍借。俟散餉時。照數扣還。槩免加息。○雍正四年題準。廣東邊海之南澳鎮。石營。澄海海門。達濠等營。貯穀五千二百石。潮州鎮標三營。黃崗。協潮陽營。共貯穀五千三百石。碣石鎮標三營。惠來。平海。大鵬等營。貯穀六千二百石。提標五營。貯穀五千石。督標并水師六營。暨肇慶城守營。貯穀七千石。計每兵一名。存穀一石。借給。秋收免息徵還。其買穀動支羨餘銀。造倉運貯。盤察交代。均取結報部。侵那。虧闕。指名題叅。○七年題準。廣東潮州城守。饒平。平

鎮三營捐資買穀三千石分給三營於青黃不接之時借給俟散餉時照數扣除槩免加息令各營將備經營倘有侵那闕少照正項錢糧例追賠治罪○九年題準廣東瓊州鎮瓊協龍門協虎門協香山協廣海寨共穀萬石分貯各協營其買穀價銀并建倉銀在於鹽政節省銀內動支○十一年奏準四川潘州達建寺二處新設官兵應支米折銀兩照普安營之例將次年應支四季運折米價於本年秋季成後即全數領出買貯散給并於潘州協標貯米二千石達建

寺營貯米五百石每於青黃不接酌量平糶借支俟秋成買補還倉○又議準四川新設苗疆河西七兒堡建造倉廩貯米二千石交與該同知會同營員收貯○又議準四川潘州達建寺二處修建倉廩潘州協貯米二千石達建寺營貯米五百石交營員收貯○乾隆二年奏準湖南辰州府屬永綏協營兵糧不敷眷屬之資請於司庫三分公項內動銀二千兩令同城駐防永綏同知赴產米州縣採買運貯高巖倉交營弁收貯遇有闕食兵丁酌量接濟所需米值脚

價在於該兵應領季餉內扣存。彙交同知買運。循環供給。○四年題準。四川成都駐防兵米。均係折色。每遇價昂。艱於採買。請將司庫見存生息餘剩銀。飭發附近州縣。及時採買。遇青黃不接。支給各兵。在餉銀內。分三月扣還。如有浮冒扣剋者。題叅其應需。厥座即在協領佐領空房二所存貯。如有滲漏。交地方官估修。○又題準。浙江溫州鎮。所轄樂清等九營。請於公糧銀內動支買穀分貯。以濟兵食。察各營通計兵丁六千五百十有九名。每兵一名。備穀二石。應買穀

萬三千三十八石。令都司各官盤收監管。遇青黃不接。每兵按月借穀六斗。分作六月扣存。倉廩每間貯穀六百石。共應建倉二十三間。所需工料亦在公糧銀內動支。○又題準。閩省海壇金門澎湖。閩安烽火銅山等六鎮協營。共買穀二萬石。分貯各鎮協營。遇青黃不接。酌借兵丁免其加息。秋收散餉。扣除買補。共建倉廩四十三間。所需工料在於正項銀內動支。○又議準。浙江省溫州鎮標中左右三營。及城守營。共計貯穀五千九百二十八石。其建蓋工費。應照見

在成例合計倉廩每間貯穀六百石。應建倉廩
十間。每間工費銀二十兩。共需銀二百兩。樂清
營貯穀千六百十有六石。應建倉廩三間。共需
銀六十兩。瑞安營貯穀千六百六十二石。應建
倉廩三間。共需銀六十兩。平陽營貯穀二千八
十八石。應建倉廩四間。共需銀八十兩。大荆營
貯穀千二百有八石。應建倉廩二間。共需銀四
十兩。磐石營貯穀五百三十六石。應建倉廩一
間。需銀二十兩。亦均於公糧銀內動支。○五年
奏準四川提標五營各兵食米維艱。請將存剩

公費銀動支買穀存倉。自辛酉年為始。遇青黃
不接。即按名借給。照原買穀價。於夏秋季餉銀
內扣除。買穀還倉。營中見有倉廩。毋庸別建。○
九年奏準河南駐防營所需糧餉草豆。向係折
色。糧價昂貴。未免拮据。請於兩翼各設常平倉
一座。將駐防營息銀。於麥熟秋收價平之際。無
論米豆二麥。均行買貯。遇青黃不接。照依原價
糶給兵丁。仍俟麥熟秋收。再行買補。其倉廩令
城守尉酌定間數建造。○十二年咨準湖南永
綏協營兵米。因眷屬無資。借動庫項。買米接濟。

在南路高巖。增建倉廩四間。以備存貯。今議令將倉廩稍為開擴。置買苗田八畝。四圍高築墻垣。改增房屋。其工料銀。在於公項銀內動給。○又題準。四川成都駐防兵丁口糧。與其全行折給銀兩。不如按月的給米糧。察兵丁每年應領銀四萬五千六百五十五兩。內將二萬石米價銀。預先扣存藩庫。俟秋收後。令各州縣分買存貯。駐防倉廩。令副都統酌給兵丁。其各州縣用過米價腳價。據實報部。○又覆準。山東河標兵丁。食米拮据。請將標營生息銀。買穀四千石。設倉存貯。令城守營都司經管。河標副將盤察。春間借給兵丁。秋收免息徵還。倘有侵那等弊。即將經管各弁察叅。其倉廩舊有四門城樓。空間高燥。足敷收貯。毋庸別建。

